

錦溪集 乾

~ 16
2359
1



2859
卷/一-2

錦溪集序

樂慎齋

語曰不有君子其能國乎國之有君子不其重歟君子於人國雖或未克晉用展布志業而其功利之神於國者自有不可揜者微君子國其奚賴焉壬辰島夷之變 龍駕遠狩 廟社播遷 宗國之危凜如一毫而魯公認仗義討賊不幸被虜而捨命不渝使夫夫皆知 君親不可背寇賊之必可討節義之必可執故雖八域糜爛兩京淪亾而能使人心固結國勢底安其有功於國豈淺淺哉陷于重溟濱于九死萬里生還一節嚼然非君子而能之乎雖扼於仁弘

不克登庸曾中講究之石畫不少施行而若使當時
微如公諸君子張皇忠義收拾人心國其可爲國乎
蓋嘗論之一事一業之功利不過施於一時而扶植
節義培養人心之功利施於無窮然則仁弘之扼公
不過扼公之官職至於節義之扶植人心之培養之
功利不能扼也抑又奚憾也若夫折旋講席討論經
傳祖述程朱劈破異端則宗師降席而賓禮諸生作
詩而贊美使隔海萬里之人咸知我國冠婚喪祭之
必以禮起居飲食之必以禮不以羅麗而例之其對
揚聲明有功於國又何如也曾見黃石齋所撰博物

典彙敘外國風俗至我國許以嘉域石齋以道德文
章節義冠冕一世而其論如此居在福建而公之講
學曾在福建則安知不聞公論議而遂許以嘉域也
哉儘乎君子之有重於人國微君子則國無以爲國
也我李於公家有世好一日公之後孫守國袖公遺
集來示要序語至于再三不可以終辭故遂牽連書
之如此云爾

崇禎四丁丑至月日翊衛司翊衛李洛秀序

序

古者男子生而桑弧蓬矢以射四方若錦溪魯公眞能男子乎四方矣

萬曆中天下有事公海外書生操金戈走國難浮海東窺日本由日本再戰鯨濤南奔百粵由粵北上乘驛以朝燕由燕始東返朝鮮其落日日本抗節磊落使鱗介蠻俗咸服吾邦有不二心之臣遊於閩之庠觀朱夫子遺風講明吾東學問以合乎三代之典則是閩人洒然起敬發周禮在魯之歎陳辭帝庭乞早東歸

聖天子褒之以文山之忠北海之節公惟生長東國習熟教化故卒能秉國之光宣于四方耀于上都此行雖公不幸實國之大榮也秋葉一身橫行數萬里絕域扼虎口溯蛟涎浩然無懼者豈非忠義爲吾甲兵物莫之爲害耶是以我昭敬三嘉其生還多其策略至比古社稷之臣嗚呼壯哉公後孫守國示余此帖余竊以托名爲幸樂爲之言

嘉善大夫開城留守錦城吳翰源撰

錦溪集後序

嗟嗟烈祖不顯不承允文允武克孝克忠年壯舞象
名升司馬壬辰倡義功莫大矣丁酉被虜時不利兮
七日不食三年看羝暗收圖籍夢陪 君親哲深沼
吳志在哭秦天遣生還路入中華武夷叅講昌平謁
廟道悅周孔學明程朱華人欽稱海東夫子 帝有
恩言祥忠武節特命賜馬護送渡鴨宗師寄語秀才
贈別既還 本國上陳奇策親自引見 王若曰洛
古有社臣今爾近之命駟還家追服廬墓壬寅服闋
登勸武科粵三甲辰擊破餘倭共廿八將賜之以圖

錦溪集目錄
先任節制尋 除都護當世名卿亦多推詡睡隱答
啓竹陰撰辭月沙石川西崖芝峯皆有遺集可見實
紀噫彼仁弘素以奸慝敢請 天馬竟爲枳塞幸有
公議不泯不沒杖屨之所俎豆斯享錦山蒼蒼錦水
泱泱嗚呼痛矣公之時運早逢亂離幾死殊垠晚遭
奸臣罔展素蘊於乎壯哉公之節行由倭入華 神
考稱賞承詔返國 宣廟嘉獎昔之不幸今之幸也
公有遺稿間多失漏若干編次分爲二卷臥龍片鱗
全鼎一臠凡我諸宗敬守此書克篤前烈俾壽于後
崇禎紀元後四辛未八月上泚後孫參判榮植謹識

錦溪集目錄

卷一

五言絕句

律詩

七言絕句

律詩

卷二

壬辰赴義

丁酉被俘

癸微涉險

倭窟探情

和館結約

華舟同濟

漳府答問

海防敘別

興化歷覽

福省呈謁

臺池舒懷

院堂升薦

華東科制

聖賢寤亭

卷三

皇明遺韻序

任希陽齋
田良齋

陳秋濤序

七言律詩

七言絕句 並小序

徐宗師正論

武夷書院圖

大學止修圖

卷四

疏

文

啓

書

催歸原情後

東還本朝後

左遷羣山後

卷五

行狀

碑銘 並序

姜睡隱啓

趙竹陰辭

柳西崖記

鄭判書議

李提學述

李巡相書

李提學識

申叅判書

李叅贊書

金潭陽跋

李叅判撰

金縣監記

趙淳昌跋

五言律詩

七言律詩

寄語朝鮮學者詩

海東夫子賦

唐浦勝戰圖題名

御賜勝戰圖模

被俘同苦錄

卷六

倭地圖

倭俗錄

卷七

請建祠上言

館學通文

道會發文

春曹上書

禮成祭文

祝文

湖南節義錄

卷八附錄

書副正公勝戰圖後

副正公碑陰記 並小序

魏進士輓軸

書墓表後

開刊跋

錦溪集卷之一

詩五言絕句

壬辰赴倡義陣

丈夫當此世長思越王羞宇宙干戈滿詩書志願休

過釜山

遠客投荒戍孤城枕大洋將軍白羽盡戰士綠沈槍

登平遠臺

白髮南荒滯丹心北闕懸登樓未忍下為待月華圓

丁酉冬述懷二絕

活國才何短江湖倚劍歌誓說東海水奔流莫驚波



旄頭猶未摘狄犬吠神州絕塞衣冠老荒陵日月愁

和泉館夢陪 御榻覺後卽吟

百年今白髮一歲又秋天夢裏 君王近合香奉

御筵

戊戌臘月歸思尤切有吟

殘燈伴客夢歸路隔天涯今歲無多日蠻山雪作花

浯澳寨題孫把摠八歲兒畫馬帖

少小丹青手揮來妙入神龍種如噴雪騰踏綠楊春

福州館謝諸秀才來訪 已亥四月十日

我本三韓客生還萬死餘今看中國士曾次始覺舒

一斗菴贈八定僧 在閩中烏石山

一斗菴中坐休糧四十春小林何處是今日始逢真

呈李先生 栗谷

賤子無人愛先生不我遐論文迎小榻戒學業貧家

呈金先生 河西

明月照積雪光輝盈我窓與誰同此勝金子世無雙

答呈朴知州 訥齋

一德中興日丹心十二時魚龍扶日月鷓鴣列臯夔

答贈姜太初 睡隱

白髮霜連草丹心石望夫君去又千里吾道益奇孤

五言律詩

昭義將陣中寄陳汝郁

峽塞隣蛟穴兵塵弊戍袍月明羌笛怨秋早陣雲高
烈士彈長劍將軍按六韜湖南舊文物且莫老腥臊

荅高招討而順

壽峯

王庭今尚在奈彼漠南羞漆齒恣為禍丹心矢復讎
甘征追舊夏徐討體新周 萬曆皇朝命昭昭軸裏留
浮穴館中夜有感

耿耿睡難着冬宵何苦長憂愁凋綠髮節序換青陽
故國烽烟暗中原羽檄忙三更起抱膝天地意蒼茫

和泉州贈白友受繪

大丈夫人節愈堅寸鐵心域吹驚暗射鳩舌鬧狂音
至恥號天香私冤叩地深誓雪 君親怨長吞矢石枕
坐營司贈楊洪震呼鶴來二從事

落落兼文武英聲早歲同蓮花腰下劍明月掌中弓
持重長城策軒昂大樹風牙門李郭子時未效奇功

五言長篇

錦山戰敗

下缺

單騎無人拜逍遙碧海村黃圖歸豕食青洛盡鯨吞
笛裏梅頻落兵前月幾盆殘生哀傳瘞壯士惜虞翻

歎時事

凶酋驅萬隊湖嶺隨風靡何意數百州而無一男子
守土紛身竄邊臣俱魄魂火陣截大荒山河燹殺氣
原濕吊烏葛城池哭狐狸搶攘盡塗地欲語真痛矣
上天覆赤子夷夏本同理何乃假兇手屠殺至於此
荼毒復荼毒彼蒼良難恃長呼哭之慟有淚如江水
七言絕句

贈羅錦巖

夜深簷外玉繩低邂逅高人手共携欲起呼兒重洗
盞不知茅屋唱寒雞

哀高招討

身被十創終烈死一心殉國孰如斯可憐一片錦山
色長帶孤忠萬古悲

重陽過青巖驛

故山茅屋近江鄉籬菊依依帶舊香身逐戎旌歸未
得驛亭風雨過重陽

壹岐島望故國有感

舉目鄉關何處是白雲天末使人愁

和泉館贈姜佐郎

鳩舌蠻鄉共一床羈愁無賴酒三觴雖存視息還如

死魂夢茫茫碧海長

和泉館陳屏山李源澄席上寫懷二絕

一日傷懷十二辰望雲天末憶君親他鄉久客無

窮淚囚繫南冠又楚臣

旅窓涼月夢遲遲千里思鄉正此時蠻樹啼鶉歸未
得只流哀淚不成詩

和泉島步月吟二絕

殊方久作未歸人夢裏頻陪主與親萬里家鄉何
處是一庭明月百愁新

不寐寒床比夜長起行明月影彷徨宮圍消息憑

何處早鴈聲中割寸腸

夢拜君親有感

昨夢琉璃陪至尊覺來哀淚枕成痕

陳李館與林差官飲酒即吟在和泉島時已
亥三月十五夜

數曲清歌和寶瑟如聞仙樂白雲京遠客今宵初展
抱海天風順月分明

交趾南舟中夜半起視海天一色即吟

山空海濶夜無邊浩浩茫茫混沌天不有衆星垂歷
歷兩儀都是未分前

過安南長鯨噴海半空飛雪舟人喜曰船已在

水淺處矣有一少年巧吹鳳管簪喜卽吟
海波成雲怒鯨噴金柱撐空落照斜此去中華知不
遠舟人相喜弄清笳

浯澳寨贈欽差水兵將官孫繼爵

浙江紹興府人

二絕

一葦遠放扶桑下便到中華日未旬鼓角軒門間號
令俘人喜見太平春

兩過汀洲物色新楊花如雪覆青蘋樓船間繫猗那
樹士卒爭稱李牧仁

謝李源清來見贈灑金綿紙

白雪綿花百片紙玲瓏光彩灑千金 天門泣叫危

言日用此華牋寫赤心

贈別陳李二人

在漳州館四月五日

忽逢絕域窮陰日愛別 皇明早夏時邱山恩德將
何報滄海深情一首詩

大雨獨臥卷舒周易自占起身遲速

一炷香烟倚燭消捲舒羲易占歸朝 丹墀趨謁披
肝日堤柳新涼八 御橋

夢見雙親兄弟滿堂如平日覺來涕泣

思歸客鬢何時白三夜蕭蕭楚雨寒記得分明家國
夢不堪哀淚自潛潛

寫懷示倪進士士和二絕

亂後流離未死身
生還只恐陷常倫
瓦全不改蘇卿志
戀國丹忱質鬼神
吞聲無日不悲啼
歸夢長勞錦里溪
未知骨肉誰存歿
哀怨常增落照西

失題

三千里外未歸魂
家在錦城城北村
子午山頭人寂寞
墳前片碣吊青猿

正覺菴

在閩中烏石山贈一上人

悟道年來萬念空
心如秋水照明月
逢人每進白飯

蔬生理自饒衣與鉢

洪秀才汝訥四時八景屏風

二首缺

綠樹溪邊水殿幽
薔薇花下紫鸞遊
新荷稠疊烟波上
風送清香暗暗浮
嫋嫋長楊垂百尺
金衣公子一雙飛
復有青梅荀竹裏
花時爭似綠陰時
露滴芙蓉彩花紅
一輪明月上山東
三椽白屋依巖底
真是丹邱道士宮
玉洞依依生紫烟
飛泉一道作長川
蒼苔赤葉黃花畔
歷歷孤舟迷去年

陰雲釀雪暮天寒遠近青山白玉顏人跡禽聲俱絕
處只看孤鶴向巢還
臘梅早向窓前笑凍雪隨風亂入楹騷人復恐花輕
落故下階邊手弄英

憶故園二絕

愁多不寐聽晨雞詩思無端信筆題遙想故園門外
柳冬深雪壓向風低
鳩舌蠻兒共一床五陵春草客愁忙傷心絕域瞻魁
極起撫秋蓮比恨長

山海關贈倪進士士和

一水中流萬樹文小桃源裏武陵橋白頭常有思鄉
淚歸夢不知萬里遙

贈南京武元全修道人史世用

秋水精神冰玉骨琅璫巾珮似人清臨機應變俱長
策度內能容萬甲兵

鴨綠江別史汝梅四絕

四載蠻鄉病在床千莖雙鬢白仍黃臨江一灑思君
淚作雨蕭蕭入漢陽
幾年倭窟喫風霜萬死餘生返故鄉鴨綠長江春日
晏孤舟泛泛載龍光

知音自有峨洋曲托契還如竹馬時臨別為之歌數
句遠天歸鴈此心期

男子聰明此世間白雲深處翠松寒起提長劍東南
吼別路峻增憤氣看

渡鴨綠江有感

山高松嶽日輪半馬渡鴨江月色分酬國素心惟有
劍故園歸夢杳如雲

贈姜佐郎

十年憔悴未揚眉獎激誰期得若斯 皇明盛德推
俘命幸逢 君親宛昔時

書懷六絕贈鄭月峯

鄭公諱希得字子吉
晉州人進士

莫言蝴蝶恍非真無爾何由見我親夜夜越波歸故
國旅窓多愛睡魔紛

遠客愁多夢未成開窓梅月半空明此身寧死隨蟾
影願照家山宿草塋

節序風光似去春語音殊異故鄉人我今不識身何
地東海滔天遠北辰

雲盡長空霽月明圓光應是兩鄉清翻思故國田園
事兵燹灰中碧草生

烽火被于四海岡三精愁色晝茫茫一死死吾何

惜只恨無名萬古長
呼天哭地奈如何與子寧和一曲歌莫道傍人皆是
數我生之後百憂多

鄭月峯次韻

披緘如見故人真羨子生離兩老親同作羈人不
得見相思半夜夢魂紛
苟延頑命竟何成只有葵腸向日明賴得枕邊干
里夢穿雲夜夜拜先塋
猶在嗟我方度一春戴天只作未歸人家亾國辱身
如識丹心一片明思君中夜夢魂清茫茫宇宙身
愁心如海復如岡欲訴蒼天更杳荻隻手千金相
戎勗令人一讀感歎長
欲報深仇隻手何憶君空復和君歌兵塵喪失人
皆有慘淡如吾想不多

七言律詩

哀李虞侯曄同倅日本
不屈死節

撫劍悲歌一嘯長殺身成義大歸忙魄藏枯骨漂潮
海魂逐飛旄入漢陽蘇子高風超雪窖文山勁節拔
天荒殊方握手終相訣嗚咽鯨波萬古聲

贈金生兄弟典達興邁己卯名賢大
司成湜孫同倅八日本二絕

痛彼囂囂鳩舌人異言何必問聞因魂消去國流離
客影隻辭家轉泊身毒厲難堪离納夏元和不貸震
開春非朝即夕存亾地同德同心幸作隣
同是箕邦率土人五常元自本心仁奉親誠素猶勤

力事主忠丹敢有身習狂追思三省日怡容尚舉一
般春如君名閱東方最何事蠻兒與作隣

贈漳州知府

春晚 皇州化日明繁華文物供昇平威儀珍重衙
常靜風俗雍熙政亦清桃李開時徧錦繡貝樓隨處
盡簪纓武城奚獨絃歌地今日家家頌惠聲

呼坐營衙門題蜀葵花

序屬江南芳草節櫻桃飄盡蜀葵新矜姿浥露添香
靨艷菜臨風啓絳唇好事何年盆上種貪看今日眼
中珍故園花柳誰能管含怨東風戀主人

登平遠臺信步徘徊

臺擁雄藩起半空山河如帶繞重重東鄰臥虎輸佳
氣西壓黃龍納晚風絃誦滿城知政化繁華極目識
時豐最是男兒心快事平倭碑後見奇功

楊坐營座上門子進秋露及荔枝櫻桃

明珠燦爛滿盤堆珍品分明紫府來清液爽牙消肺
熱新香浹骨制齡頽

下二句缺

新德齋見安石榴共黃秀才大晉分韻得詩字

一縷香風五月吹芳姿如畫暎方池紅添鏡面新粧
耀光動文房艷藥奇誰使此花移近學更教騷客助

成詩繁英似向樽前笑清興元來造物知

兩賢祠書院謝監察御史王繼文

涉險蹈危豈怨天福閩重驛轉飄然陳情表奏 皇

朝日有 命輪還故國年眼豁山河新氣像心淒湖

嶺舊塵烟明明 聖教今如此至孝貞忠恐未全

謝秀才王繼臯

出疆當日執何繻猥受 皇恩一匹夫拱北殘星辭

御座指南飛駿向周途深仇未報生猶死頑命雖

還有若無衛國非徒追塞鶚將身擬作守林鳥

謝院執事孫昌基

誰憐零落客魂殘左右扶持竟涉難隨處文人添眷

戀到頭才子倍交歡遠將野外吟詩贈來餞壚頭把

酒看萬死生還 天所賜首迴 象闕祝平安

謝福州都訓導孫昌裔

絕域多年隔問聞首邱至願倍時殷箕邦捷報飛千

里 天將饒歌踊萬軍 上國交遊渾似夢人生聚

散忽如雲長亭送別稱奇士爭賀 天門拜 聖君

謝進士朱天球

經冬經夏一緼袍萬死歸來氣尚豪魯連忠憤鳴東

海蘇子旌旄掣北濤前讎壯志懷霜刃戀 闕微衷

訴漢霄羣賢遠別南江上一片曾襟數句騷

謝閩中兵備都司王繼武

俘臣殘命一毫輕三歲漂流水上萍天地常綱宜擲
死山河舉目愧餘生身隨萬里皇朝使路指三韓
故國城自是難忘君父恥丈夫何必爲英聲

謝進士袁敬烈

那堪經亂故都殘憤恨時如決水湍瘴海躬經千里
險風霜骨逼萬瘡瘢恩深蘇武終歸漢誰切張良快
報韓日夜呼蒼稽首祝從茲邦錄萬年安

謝進士洪汝讓

神聖皇朝頌國風箕封遺俗不謀同曠夫求耦迎宜
室怨女牽情放出宮向日葵花心尚赤戴霜蓮萼色
逾紅看他禮讓元無異自古東方完劍弓

謝院執事吳志在

蠻海三年客夢殘大明天地此心寬驚姿日忝清
流座賤質時陪皂蓋冠長缺聲登馮子頌層雲義重
范公寒吾東時俗如中華文物儀章一體看

謝行人司行人李汝圭

李見羅材門人
徐宗師同學

淒淒風雨故都塵飄轉俘蹤八福閩萬苦千辛餘縷
命十生九死保微身皇恩賴免殊方鬼賤質還爲

故國臣去路拜承 天賜馬青山萬里首迴頻

謝福建都御史金學曾

凱歌昨夜舞 天兵蟻命還從死地生遙想青山圍
古宅傳聞神帥擁都城長瞻北極祈遐壽愛點黃河
頌太平最是不忘君子惠高風今世有徐卿

謝進士徐燻

幾年殊域任焦枯 恩詔生還半死軀列宿昭回天
北極銳師清掃地南湖歸來華表愁中鶴歷盡關山
背後菟耿耿丹忱盈一斗終身西望感何無

謝進士陳薦夫

漏聲纔罷月光低斑馬飛騰碧玉蹄杜宇幾添空谷
咽慈烏遙向故林啼南箕神彩難回北東渭清流不
轉西喬木長含春雨露吾 王世世壽應齊

謝知府王毓德

皇明日月倍光華許遣微蹤萬里賒眷顧 洪恩馳
使价周回孤節衛邦家鄉音不遠喧晨鵲時事多悲
哭暮鴉最是生還千萬幸親庭 王室少無差

謝秀才洪汝訥

幾年漂泊亂離間表奏 天朝仗 命還聲罪討甘
追舊夏痛仇征葛肇新殷侯邦有度應輸悃 天子

非常別賜顏快復蠻雖知有日暗占時運遞循環

謝進士馬欵

箕封自是小中華天下均稱一體家貢路茫茫通似
籍 恩波浩浩潤無涯南征致討 皇威振東顧底
安瑞日斜斗血腔忱知有在傾陽遍愛赤葵花

謝進士康彥登

高吟一唱發三歎愧我疎才續和難學士威儀飄皂
蓋秀才標格岸儒冠 天師南討應殲賊鐵馬東征
急救殘懲一從來應礪百般憂自葛四方安

謝福州訓導張秀英

殊方幾見管移灰否往方知泰始來跡脫南荒恩孰
大身還東國賊先摧三千去路隨人遠十萬 王師
奏凱迴 天使高風蠻海振危蹤今免楚囚哀

奉呈奇高峯 大升

人皆逐利謾勞躬公獨潛心保降衷寂寥秋江數竿
釣蕭條陋巷十年功橫馳霧鬣山無礙直掛雲帆海
亦通多小比懷人不識竹間思與一樽同

奉呈姜佐郎

生還故國 聖候安何幸萍蹤涉險艱萬國光華虞
日月九天朝覲漢衣冠檐端古彩斑猶宛巾上遺痕

涕尚沈一體 君親趨愛侍莫非臣子寸誠丹

奉和鄭使君

湖陰

清詩有味似嘗新長跪燒香諷詠頻只合一生陪玉
几如何三載擁朱輪陶園蕪沒猶存菊潘鬢蹉跎已
失春家在海邊徒四壁世人誰識丈人真

贈從氏諛

童稚同遊分最深中間南北兩無音那知白首歸玄
圃共對青燈話舊心加饌羨君顏尚渥負薪嗟我疾
交侵階前小杏先衰謝莫道垂楊已拖金

奉和林翰林

石村

好趁青春選日遊誰知文武各分秋名題翰院朝
天塔身八關城拱戍樓殘鎮小官羞舊伴崇班大秩
懼前儔如君才器嗟何及蹤跡今爲不繫舟

附林石村

愔

原韻

錦城山寺昔同遊夢裏悲歡二十秋却擬封侯投
犀管還將學劍倚船樓長風破浪知何日國士登
壇儘作儔莫怪臨流重歎息今吾行色亦扁舟

羅松齋

世續韻

論交忘勢又忘年吐出心肝鐵石堅客睡未成窓
有兩春風不盡草和烟傷禽側翅惟思退老樹經

歸溪集卷之一

十五

錦溪集卷之二
霜豈復妍歸掃壠阡方伯許夢魂先到海雲前

林石川 億齡韻

百戰歸來劍洗溪蕭然野服入林棲幽閒定是李
盤谷瀟灑還同王會稽明月欲乘仙鶴去桃花恐
似昔人迷江南佳麗喧中國何用區區遠索題

丁孤舟 運熙韻

一揮長劍倚船樓家國何忘共戴讎蘭雪清風曾
蹈海瓊瑤錦軸又觀周彎弓自許奇男子投筆非
求定遠侯剗却六鰲背上土平鋪鯨浪作安流

錦溪集卷之一

錦溪集卷之二

壬辰赴義

萬曆二十年壬辰四月十三日倭兵二十餘萬艘駕
海而來連陷汾邑士女荷擔朝野聳懼權光州慄以
世諒有素知公膽量貽書曰 國家遭艱臣子當死
公以告七十老父父曰 主辱臣死義之當然汝須
趣裝赴召公時年二十七承命勇往則權公與之募
義義旅雲集戰比有功未幾 朝廷擢權公爲都元
帥公叅其籌畫梨峙之陣幸州之役斬馘甚衆癸巳
晉州陷公又從權元帥下鎮宜寧屢爲奏捷防禦益

山勢如衛霍時 天將李提督如松泗川總兵劉綻
率兵五萬既復平壤進次京城與諸道義兵並力破
賊賊將清正退遁蔚山西生浦行長退屯金海府

丁酉被俘

丁酉秀吉更加精兵八萬進屯對馬島時李統制舜
臣以軍政違約遽爾被拿元均代領其眾防禦失策
故賊船渡間山洋陷南原城湖南一路劫掠殆盡公
之七十雙親時在錦城公躍出戎陣顛倒歸覲則篤
老體候雖為苟存環顧四境已無尺寸乾淨處公扶
護雙親入錦城山○猝遇羣賊大劔長槍四面環立

卽地禍色萬無圖脫公叩踊翼蔽乞全雙親於是眾
賊感其至懇遂捨之而去公更為扶護晝夜跋涉安
頓於宜寧營邱時 天將楊元陣於南原為賊所圍
公自宜寧輕騎往覘則賊勢甚熾外援未及 天將
突圍已走稷山矣士卒星散道路又塞欲歸報元帥
而勢無奈何猝遇眾賊圍之數重公單槍奮擊南出
十里許則大霧四塞追賊又至忽為疾矢所中頓絕
方甦彼虜突入束縛牢囚醜陣翌日勒送于順天防
番浦所經塗途積尸如山流血成川慘慘焉不忍見
至則我國年少男女被俘者皆良家士族而不知幾

千萬計於是公欲自決而繫縛在身末由措手累日
絕粒抗聲奮罵虜益肆毒縛載歸船留浦旬餘問于
舌人曰何不殺我牢鎖到此舌人曰關伯平秀吉令
諸將曰六年舉兵無所成功第今所快必使朝鮮無
全人乃己年壯則生擒老弱則割鼻割鼻多少賞功
高下公則非但年壯又解文官故俘去云云

蠻徼涉險

順天左水營前洋俘人所載船十餘隻共渡安骨浦
舟行三晝夜到一陸村家異制衣裳亦殊是對馬島
也又二晝夜渡一大海涯岸漸近蒹葭蒼蒼望見一

陸卽倭之壹歧島云浮海五夜去國千里 君親消
息無地憑聞因悲絕有詩翌曉發船渡一海卽西海
道筑前州之殘島也下船登陸至于豐前州之中津
村而宿焉厥明又渡一小海是伊豫州之浮穴云我
人被虜先至者已盡化爲倭形見公號泣冤慘千般
耳不忍聞目不忍見有一倭僧以飯一器菜一盂魚
一尾朝夕供饋公自以不知 君親存沒却魚而只
進蔬食又自憤歎曰嬴秦棄禮仲連欲蹈東海武王
伐暴伯夷遂餓西山况此賊何等醜奴何等讎敵也
到今不死食讎之食寧不愧於心乎千思百慮只圖

金溪集卷之二
三
還歸而無路渡海適遇務安士人徐景春即在國相親者也共敘懷土遂謀返國

倭窟探情

讚岐守一正即丁酉之來屠羅州者慣公而欲爲仍留待之極溫公外許款意而內探賊情○先是有倭僧永首佐頻來見公而以紅黃銀箋紙乞詩若筆公遂爲製給則永師以識字高眼大加稱賞自是倭官年少輩往往抱扇乞詩詩成書罷銀子輒至公以所得銀子潛買舌倭細訶其山川險易戶口強弱處而又於永師密問賊酋機事登之日記藏之夾袋以爲

歸國復讎之策○戊戌歲除夕倭以荆楚舊俗燃燈驅鬼事神如事父母良辰佳節只令人悲怛與徐友相對淚下曰老親無疾病吾君尚康寧松楸邱隴誰薦一盂之飯烟花禁苑倘進百官之賀耿耿思量節節悲慟○己亥正月十五夜半與徐友及被虜人數十潛乘小船西出江口爲讚岐守部曲四郎者所縛翌朝日三文官門外將有斬頭刼降之狀公抗聲大罵曰速殺我速殺我首邱哺林禽獸尚然况離親去國之人乎中有一倭援劍而止之遂勒送于和泉州日根地乃石蔓子部曲將倭家也徐景春則移送

天津城亂後餘喘萬里相逢忽復相別別後臆懷尤
增抑鬱是月之晦始聞 天兵雷擊倭奴風靡連降
乞和臆懷少弛○薩摩守義弘以舌倭問公來歷公
曰余二十前學周公孔子之道壬辰亂叅謀權元帥
陣一朝事誤被俘到此義弘禮之甚厚朝夕供饋如
浮穴時公又辭不受○倭僧希安一云安西堂北學而知
禮者也問公蔬食之由公對以朱晦菴家禮安歎曰
朝鮮人守法知禮其來久矣吾於庚寅年間思欲一
觀自中國乘舟渡海遇風而止今日所覩始信前日
之聞也公與安情好日密願見日本風土記安出示

公謄之日記因懇曰今幸遇有道和尚願得刷還便
安曰朝鮮被虜人潛謀以走反為虛死者尚多嗟哉
朝鮮武官李曄拔劍刳腹因投水中而死其餘同黨
皆為致死為君計者勿復出此言○一夕安自畿內
山城而來曰今倭皇死眾議紛紜明年當更犯朝鮮
公之安留此土幸也公驚問其情安曰日本數百年
來未有干戈不知師旅而百官之改替科目之取才
及法令賞罰與中國無異自為一樂國矣五十年前
南蠻海舶滿載炮矢等物漂到日本日本之人從此
力學皆為妙手自成戰國之習而便作禽獸之域今

皇帝統合六十六國為六十六州生民塗炭已極而不意暴死衆情洶洶又問誰其代立曰大閤指秀無子女養妹之子任關伯分守伊勢尾張等州大閤臨死召諸將曰後事托於家康待秀秀吉愛子賴成立還政然倭之性虎慾狼貪不可信也

和館結約

天朝差官從者陳屏山李源澄來館和泉府者久矣公往叩其門陳李迎拜曰那裏人曰我乃朝鮮官魯認也以丁酉賤俘激感天朝東顧之恩敢來見曰所館何如倭曰此府守部曲四郎者也兩人禮而送

之時則二月二十日也○翌日陳李來曰夜來甚似曰戀君思親一刻三秋兩人曰此乃忠孝所激益增矜憐公曰今見足下有溫厚慷慨底義願與同舟而得到中華父母之國以圖弊邦雪復之便屏山曰公之所懷凡棄彝者孰不感動已許方寸何疑同舟只待順風可也○越三日公又往陳李館陳李起拜而請賦詩詩成陳李極加嗟歎進酒溢歡仍問曰公在倭探機則秀吉死後衆議何如曰筑前中納言金吾者為內府將欲更犯朝鮮而以內府米五萬餘石出為軍餉家康以黃金四十萬錠出資兵用清正等

所欲不在朝鮮將有射天之計我以天朝臣民既知其機如此正欲歸國以備不虞也○越三日晝夢拜榻下遂吟一絕○自三月初日與陳李密謀發船而初七夕屏山來曰去年唐船迴棹時潛引朝鮮人帶向大明而倭奴知幾搜船果被綻露戮辱滋甚日昨之禁止書字或恐人知正以此也○翌日義弘石蔓子擁前後百餘槍劔手馳到船頭曰唐船何日開洋待掛帆時必搜船後可以發行唐人曰雖百搜千覓必無可疑義弘駐馬良久仍向山崖馳逐田獵砲響不絕○厥明屏山來曰倭必搜船勢難同渡公

罔知所措終夜嗟咄夢見雙親誠曰何須愁悵不難渡海覺來曾懷稍寬前後日記多有○翌日獨坐百爾思量今此倭村乃絕島漁家小艇十餘隻泊在前浦夜無守直而我國人數三亦在此村云若與共謀雖不到中華庶可直渡朝鮮日暮潛引此輩問其來歷則一曰興陽奇孝淳一曰密陽鄭東之一曰京畿風石皆以壬辰倭人雇賃此島者于今三年公墮淚曰我乃羅州魯別座也丁酉見倭萬死到此爾等若善操舟何患渡海孝淳等泣曰雖善操舟難辦回糧公曰與我共濟何患回糧乃以銀子三錢分

許曰看汝饑色令我憫憐當謀酒饌暫解羈愁孝淳等感激叩頭○翌日暮又引孝淳等潛許十兩銀子曰以此買糧但機事必不使鬼神知之應曰唯○翌曉潛見陳李曰倭雖搜船我有一策未知僉君其肯相應否曰有何策曰我潛乘小艇先出十里許小島以待倭奴搜船後公等掛帆時迎出中流追乘貴船此非奇策乎蒿工船隻已備矣陳李曰公誠貫日月更得生還之路吾等當與林公密密定計公歸與孝淳等資糧百斗炊鼎一坐水桶三箇好爲辦備○粵三日十五夜陳李盛備酒肴乘月邀客酬酢良久稟

於客曰有一朝鮮官姓魯名認者丁酉之亂俘入此土戀君思親日夜血泣令人矜惻况有義氣能文翰未可與伊人同舟乎客曰其人今在那裏曰在這房中曰叫他來公整衣冠出揖而坐客曰俄聞陳李知子來歷又相子容貌果不葬蠻夷中者今與我渡海則福建軍門必以夫馬護送矣公即起拜謝曰不佞之至願只在此耳陳李亦喜而謝因言潛出浦外以避搜船之患客撫掌歎曰奇哉是計子願諧矣因唱歌彈瑟大醉忘形公即綴一絕○翌朝問陳李曰昨夜客如何客曰是福建軍門差官也姓林名震號公

曰幹何事而來耶曰福建軍門都爺即都御史鴻圖偉略明見萬里故竊為朝鮮以濟其艱為己任資付白金八百兩於林公使作漁子行商潛入薩摩厚賂漳州人為石蔓子醫師者許義厚因縱反間曰日本無故興兵殘破朝鮮不有天威皇赫斯怒特命兵部尚書差征倭元帥統秦楚燕齊韓魏趙及西戎北狄具甲精兵百萬出山海關渡鴨綠蕩釜山因直擣對馬壹歧西海等島受命都御史差水軍都統使以閩浙湖廣雲南吳越舟師一萬艘又琉球暹羅安南交趾佛狼機西域水軍萬餘艘直入薩摩以滅日本以示

天下為家之義林公果以此分付通于義厚義厚即
到朝鮮泗川地反間石蔓子如此如此石蔓子驚懼
曰際此空虛大明舟師倘或直渡則勢如壓卵即掇
兵而歸蓋林公智慮深遠能成天下之大功風骨軒
昂氣宇倜儻是以一見之子勇決同舟公曰從此可
得生還則當為林公與二足下建立生祠矣

華舟同濟

十七日東風習習天氣明朗華舟理楫義弘聞奇使
麾下將欲搜船公招孝淳等曰明曉當發華舟吾當
如約日暮乘小艇依泊浦外小島達夜疑懼平明華

舟果出浦外風帆半掛漸近小島公迎出中流揮手
招招林公與陳李望見住帆孝淳促櫓如飛傍于華
舟陳李以兩大索垂下使結小艇頭尾公先攀登孝
淳等亦以次繼登陳李爭執公手曰子命貴矣卽饋
白酒喜氣填膈不食如飽帆掛長風疾如飛龍○越
三日風順波平舟人大喜公詳視船制則船尾別作
層小樓安奉觀音菩薩朝夕焚香而篙工坐其下置
靈龜以定南北夜則明燭視之船頭長向西南間雖
遇八方風其帆如之字乙字樣只定所向而進前矣
夜半起視海天一色遂吟一絕○越再明長鯨噴海

半空飛雪舟人驚喜曰船已渡矣公曰何以知之曰
水族皆喜在水淺處今鯨鯢之噴想必水淺是以知
也俄有一少年巧吹鳳管遂吟一絕○翌朝望見奇
峯羅列於百里許問之則曰那山越天台山一自掛
帆天借順風便到中華纔一旬矣但舟稍向西直抵
越南自此南下則明日可到吾漳州地云俄而日暮
夜黑火光連照沿海問則曰春訊舟師懸夜營燈以
防倭賊潛入之患此乃戚將軍繼光籌海新法也○
厥明起視漁舟商舶去來無數而彩鷁錦纜間間相
雜簫笙鼓角往往相和太平繁華於斯可見矣○翌

日昧爽舟人大喜指點曰郟邊山乃吾家山日未午當到泊矣千里利涉一舟呼福於焉港口老少來迎曰吾弟吾兄亦來此船否舟人亦曰吾家吾黨皆好在否招招答問佩壺來慰者連絡不絕俄有一將官戴帽腰金乘六人轎擎黃金蓋一雙盛備威儀疾行來問曰此何樣船林差官亦整衣冠相揖對椅答以所幹曲折將官曰雖軍門差船既自日本來則舟中人物各樣照點後轉報各衙乃訊防之例也林公曰我專以間諜往來萬無可疑但朝鮮六品官一人陷於倭而不屈懇於我而同還欲圖雪復晝夜血泣真

義士也而其所率三人 天將董提督戰敗於朝鮮時其標下爲倭俘者亦三人今帶來者此也將官曰叫他來公卽出揖將官亦揖曰若朝鮮人何不直渡本國而枉來萬里他國公對以所抱曰擬哭秦庭沼彼吳宮將官曰果義人也迎入而命茶進酒因請賦詩遂綴二絕將官嘉賞更設水陸珍饌勸之慇懃公起辭曰我國一遵朱晦翁家禮况喪制三年無貴賤一也我雖流離顛沛旣不知 君親存沒則何敢自毀將官曰君未知處變有身而後可盡忠孝萬死之餘若一病生身命可畏公未及對林公揮手曰此人

雖在賊土以禮自律况渡海之後乎不須強辨將官
曰朝鮮文獻之稱信非虛矣別命蔬果以進更製白
衣冠而與之公起拜謝曰鄙之渡海都是林先生及
陳李之德願以一盃分之將官即招陳李命酒曰公
等帶魯迴必享陰德屏山曰小的等自少志學四十
無聞薄遊海外偶逢知愛遂得同濟然倘非林大人
安得到此○翌日將官指壁上畫幃曰此畫何如公
曰妙哉妙哉曰此乃吾八歲兒之所畫願得題詩公
辭曰公子寶幃豈可污之以偏邦拙吟也將官固請
遂題五言一絕○四月初言有一美少年偕屏山來

曰我乃源澄從弟源清也去丙申年漂到濟州貴國
待之極款護送遼東遂得生還瑣尾辛苦之狀我實
先獲贈以灑金綿紙百丈公即以一絕謝之○翌朝
公曰今日必欲早發將官曰林差官到泊之狀及公
之同行七人不可直送于軍門但先送于漳州海防
則海防官又差人護送軍門矣贖以白金一兩曰自
此到漳並水陸二百餘里以此金或貫馬代步或沽
酒餼飢以爲數日之費公拜謝而出林與陳李已在
舟中曰吾等家在此海澄縣而將官使我護送于海
防故今又同舟若到漳州與公當別共酌大醉掛帆

半日到泊漁店所經水路百餘里云下宿客店身如解縛寢食似甘○翌早騎驟疾驅到于漳州館于市店店人之厚待慇懃乃風俗之例也

漳府答問

四日林差官與公等進于海防衙門先呈浯澳寨文牒次陳公等來歷及日本賊情海防以呈文送于知府知府送人邀公公進知府知府問曰秀吉之死丁寧而屯高麗諸賊果皆退去否公曰秀吉積惡貫盈去戊戌七月十七日以天殃暴死諸賊秘不發喪有家康稱號者以秀吉臨死之言自襲爲關伯諸賊忿

恥衆議紛紜前頭之事未知如何知府又曰天將幾度接戰幾度決勝曰天將李提督大捷平壤之後本國都元帥權慄所向連捷恢復三道時全羅一道乃義兵之所倡義金千鎰招討高敬命皆以大節殉國丁酉秋秀吉更加精兵八萬直向全羅陷南原又犯京畿天將麻貴以鐵騎數萬大破其前鋒又於蔚山攻至十日則諸賊盡遁蓋天將勝捷不一而噫我皇恩豈以口舌形容哉知府仍命進酒又請賦詩公卽題四韻一首知府極加歎賞贈以十兩銀子卽命驛吏傳牌於興化府曰朝鮮官魯認白日

本迴來所經各驛發馬護送以示 天朝柔遠之義
公謝出門外驛駟五疋已來待矣

海防敘別

五日陳屏山李源澄將還海澄公以五錢銀子沽酒
敘別曰非君高義吾何到此一覓異域萬里同舟情
孚誼熟有同骨肉今將濶別可不消魂立題一絕於
其扇以留別後之思又以四兩銀子瀉慰別懷曰二
君歸家別謀新釀盛會親朋須說朝鮮人魯認之情
饋也兩人固辭曰吾當贖行而只緣遠遊不利囊橐
俱空未遂情誼深以爲愧豈反受足下之賜也公又

固勸曰今已登程萬里可凌男兒到處何患口腹又
贈寶劍二柄以示肝膽一古劍之義陳李亦以菱羅
一匹贖之公使奇孝淳等羅伏於道再三叩頭臆懷
無窮焉

興化歷覽

六日公與林差官馳向泉州日纔午矣所經三驛立
遞所騎而所饋饌物到處甚盛滿城花錦倍於漳州
行至興化北門有閣崑然題曰朱文公生祠居人曰
文公嘗莅此同安而民之永慕敬祭迨今如昨曰然
則祭于何時曰以驚蟄霜降公入庭四拜而出○自

漳州至興化千餘里鋪以熟石無寸路無磚處平廣如砥中華物力舉此可見○水田外皆種蔗草其狀如菜而葉青去秋種之今初夏刈煮為砂糖夫煉法則初煮為烏糖再煉為砂糖三煉為冰糖云○水田禾穗半秀怪而問之差官曰地維南盡風氣早熟正月念間落種五月收穫而五月再種十月又獲云日未午馳到福建省城市繁華衣冠文物真天下壯觀也林公帶公館于渠之舊主人家主人歡迎曰何日自日本到泊林公曰如此如此又曰吾門孩子無恙否主人曰好在好在急以小僮招其子其子顛倒走

來相對墮淚公問於主人則曰林君本以漳州海澄人與縣鄉官有隙羅織禍網久成疑獄軍門都爺明斷曰爾獄疑訝不可空放質其子於坐營司而賚白金八百兩許送于日本使之反間於石蔓子今始歸來父子相歡如此矣○越三日公因倒樓上省中秀才輩願見投帖公即整衣冠迎接皆英妙端士相讓上樓曰足下自日本來果是何邦人公示以一絕

福省呈謁

十一日林差官帶公進軍門一省各衙諸相皆會于歇廳俄而錚鼓簫管一時並奏問則曰軍門掌三號

也門即洞開差官引公而入則樓閣崢嶸棨戟森列
第五門外有繡龍衣一將官獨立階上先為迎見差
官又引進三叩頭即呈文於大司馬金學大司馬三
復三歎使門子傳示於諸相諸相亦為之稱賞差官
又引至坐營司歇廳五門外之繡龍衣者楊洪震及
呼鶴來二從事在焉以客禮待之分椅東西三揖三
讓仍曰聞足下善於文翰或可惠我以一聯曰雖綴
荒詞豈云詩乎遂贈五言四律坐營即持八大司馬
前大司馬見而嘉獎即分付曰朝鮮官魯認留養坐
營而奇孝淳等二人分養於各營以待夫馬護送楊即

以令帶公迴衙滿堂眾賓虛左迎之○翌日赴鶴來
之邀賦蜀葵詩四律鶴來以白金五錢金箋紅扇二
十柄贖行及還楊坐營衙客陳楠聞公蜀葵詩曰
此律鍊盡其妙○翌日有秀才洪汝訥洪汝讓來見
皆妙齡端士三揖三讓而坐曰聞足下抗義不屈脫
身而來孤忠壯節雖古之包胥子卿亦豈加哉幸屈
陋舍細傳異國奇聞公曰捨一葦之捷徑冒萬死之
風濤者果非偶然但僉賢之過獎誠非不佞之所敢
○翼日以催歸原情方做文蓋此文先呈軍門而自
軍門轉達天門者也
正書之際洪秀才家僮來邀公以明日呈文之故裁

書以謝更以再明爲期○十五日卽軍門坐堂之期也公進跪呈文軍門曰具叩一章盡是忠孝啓本當奏天朝須安心保身以待論奏仍命門子賞銀一兩曰以此銀沽酒痛飲以寬羈愁○翌日前約洪秀才二難更來固邀公卽與偕往則圖書滿壁清香襲人相酬數盃日已午矣有三人至曰此是朝鮮官否洪曰是三客起敬讓坐見公素衣冠及蔬食曰以何服而然耶洪遽曰往在丁酉之難伊人舉家必陷兇鋒故如此如此客聞之墮淚曰足下萬死一生豈徒然哉天必生還以繼絕祀今尚蔬食區區守禮甚於

子莫之執公曰我國之風一遵朱晦菴家禮雖庶人自喪至禫不用魚肉况士大夫雖顛沛流離豈可毀禮左右歎曰誰謂朝鮮夷守法知禮如是夫公曰昔小連大連乃東夷之人惟僉賢莫謂秦無人武王封箕子於朝鮮教以八政時則貴邦七閩未蒙王化莫知彝倫自唐以後始霑常袞之政化惟願僉賢細思歷代勿以我國比之蠢夷也左右相顧而笑曰足下之言有理矣臨別洪以皺紗道服衣之命二人轎送之○翌日公披覽左傳衙客來曰公於左傳有何所得曰只見古今治亂及中興復讎之舉則吾人卑辭

厚幣於邾人刷還俘人終復其讎此正今我之志也
曰足下之言果激忠憤所見有據矣○越三日楊坐
營來曰軍門被劾於監察御史云凡干奏本必不行
公而他衙門亦不敢自斷君之歸期未快矣監察御
史若知君思歸血泣之狀則必垂矜憐須以詩文賦
表中所長善做進呈○翌日早整衣冠終日苦吟綴
得啓三十餘句秀才王繼武袁敬烈等來見曰全篇
皆激忠孝公曰情勢切迫語辭如是豈忠孝云哉○
越二日早起抱牒進御史衙門門三重皆鎖而堅封
前有五牌曰投文牒曰訴土豪曰訴虐民曰訴誤訟

曰訴橫斂凡人有冤各以其牌而訴云俄而守門將
割封開門公即入呈啓御史覽畢嗟歎曰不屈倭庭
爾節大矣欲叫 天闔爾志壯矣當與布政司相議
奏聞○翌日公問于楊坐營曰御史云當與布政司
相議未知有何所聞曰我受思之御史與軍門不相
善若細知君與軍門差官同舟渡海而留館於弊司
則御史必不肯護送君受呈布政司則可知矣○越
二日公做文一章吟詠日晚楊坐營來曰此文理順
語切諸相僉會軍門時進呈則想必動念護送矣○
翌日公進軍門呈文各衙諸相皆轉見嗟歎布政司

曰情勢可矜雖欲起送但軍門不坐堂監察御史將
遞去無以相議當以清秋水落之時更議起送不須
急叫苦煩了公曰御史以堂堂鐵面之威豈欺我哉
伏願僉相更與繡衣相議則轉送隻身其如反掌布
政又曰軍門所管御史豈肯照察我公不勝憫鬱歸
語楊坐營而因墮淚坐營亦掩面墮淚○越三日公
滯雨獨坐捲舒周易自占起身遲速仍綴一絕

臺池舒懷

五月初吉公與衙客二人奇孝淳等三人乘二人轎
登城門內東南一高峯名曰平遠臺臺上則三層蘭

若寺邊有城隍堂堂邊有威繼光生祠而前有數丈
玉碑特書八字曰威將軍平倭大捷碑陰刻武烈
文五十餘行如昨分明俯視城池周迴倍我漢陽而
濠池內外賈舶出八門外別開關王廟廟前又開大
將臺臺下廣開教場場之方五百餘步四邊列置八
大營部曲句連正正堂堂戰馬五百餘匹騰躍其間
場外又有黑角水牛視凡牛倍大數百成羣蓋此省
南隣交趾安南北連江西吳越西通廣東湖浙東際
滄溟漳海山有武夷臥虎青嶂錦石天漢烏石江有
黃龍白沙石湖而龍虎案對形勝廓落十街百市花

錦燦爛俯仰顧眄曾海豁然催歸苦念少舒于中信
步徘徊遂綴四韻一首○翌日卽端陽佳節也五六
輩衙客來言曰大江以南吳楚閩廣雲南等俗皆爲
屈原自今初吉處處江湖乘競渡船唱竹枝曲投角
飯並晝夜遊宴誠天下奇觀請與子同遊公遂隨客
而往于城西門外一帶濠池環城引湖其廣或百步
或二百步而其深數丈也數百船隻泛泛湖心其疾
如飛其狀如龍鬣鬣頭角玲瓏五彩其長十餘把其
廣四五把其背覆以彩錦帳或如華蓋或如羅幃又
以金縷繡額揭之四面曰通天大府曰行雲飛驄曰

洞庭王宮曰錢塘君殿曰南海神宮曰東海靈府曰
西海真宮曰北海玄宮曰帝車風駟曰玉京神驄皆
以珊瑚琉璃珠珀金彩潤色各逞萬狀而舟中人則
皆着華錦迭奏笙歌唱竹枝曲者數人特立船頭其
響激越而清醇以角飯其飯真米而狀如犢角四面
觀者雲集霧會青樓紅裳羅列城頭金鞭白馬馳騫
路傍日晚歸來街路盈塞恰如舉子之入門矣迴來
坐營司則楊坐營曰今日壯觀幾何對以所見曰令
節盛觀莫過於此但大江以北則無此俗矣○翌日
楊坐營司中云有一老僧自烏石山正覺菴來楊卽

出迎接分椅而坐三茶以送公怪問曰何許道僧耶
曰只能巧鑄佛像而素與吾相善者也曰此非道僧
則不過誣惑之輩何爲相善楊曰貴國亦無比輩乎
曰此輩天下所同有然我國則不敢恣行城市况着
足衙門對椅相坐乎中古有一僧挺出京山其名寶
祐能文章通佛經畿民感焉儒林抗章九重明其
罪狀杖死於濟州自此異端之徒摧挫自戢而億萬
蒼生只遊名教中矣夫何中國以聖賢之淵藪禮樂
之根本異端之盛至此而寺塔崢嶸於城市緇衣橫
行於府衙耶楊曰自梁武以後弊痼已久宋室諸賢

及我朝碩儒非不嚴排但風俗忠厚以虛文應接
而已豈云尊信耶貴國之風儒釋懸殊文獻之稱果
有所自來矣○再明端陽各營將官皆謁於坐營而
欲進節禮楊揮手不納曰令已素矣將官等曰老爺
雖令自古通規楊牢拒不納公問于左右曰何不受
節禮曰君不見老爺親題壁上潔已奉公四字乎此
爺文武全才冰清玉潔朝野皆曰近古無雙軍卒已
立生祠堂蓋楊以戊辰生中乙未武進士位至二品
服鎮南國○越三日滯雨連日獨坐苦吟擬呈軍門
矣楊坐營來見曰此文懇至令人感愴○翌朝進呈

軍門則布政使徐見登名匡徽見羅李先生材批之
曰觀此文情甚懇惻即就軍門以定起送遲速姑退
待令俄而諸相俱進軍門良久而出公進稟曰軍門
有何分付徐布政輒傳示曰今雖欲起送萬里長程
雨水方漲決難起送以待清秋日氣生涼霖雨快霽
君須善保軀命更留數月則一騎飛騶萬里數旬

院堂升薦

十一日徐布政使家丁賚送銀子二兩及閩中問答
八卷 明宗錄心性制策公方展視楊坐營來見曰
此爺賜書惠金榮寵極矣日午公以銀二錢沽美酒

買荔枝因邀衙客衙客曰徐爺之賜為感足下之文
垂惠至此明當進謝公曰此惠之謝不可只以叩頭
而必以一章文矣○翌朝率奇孝淳等進布政衙門
呈文則徐爺開帖詠歎曰妙麼傳示左布政朱爺運昌
亦曰妙麼徐爺叫門子分付曰爾帶朝鮮官即往兩
賢韋齋晦菴祠書院使諸秀才延接留館叅講門子承分
付帶公而往有祠巍然額曰兩賢祠門墻肅肅絃誦
洋洋門子先入以徐爺分付傳于主講秀才曰如是
如是既而一秀才出揖引公入中有講堂額曰明道
堂李見羅材手筆堂之東掛鐘刻其背曰杏壇遺鐘西掛磬

刻其面曰泗濱浮磬皆以朱紅潤色前後左右皆有
文房而穿青襟戴生巾秀才各自房而出列立於西
壁揖讓於東壁而中設卓子列椅於四邊然後請公
於北壁尊客之坐公極辭曰東西賓主之定位南北
君臣之極分僉賢遊聖門下居首善地何末俗之曲
禮也秀才舉袖固讓公不得已坐秀才中長者坐于
南椅之正中而其餘各序齒環坐茶禮後僉曰頃聞
足下高義願一相見今幸奉宗師之命是實奇遇願
聞足下姓名及來歷公對之以實仍問曰鄙亦願聞
僉賢姓名字號秀才各自書示曰倪士和德美延平

府人謝兆申伯元建寧府人陳儀福州人其餘黃應
陽朱天球陳萬言馬欽韋孚敬王家材洪汝訥洪汝
讓袁敬烈陳濂謝國楨孫繼芳曾光魯孫昌裔孫昌
基王繼武王繼臯王毓德黃正諠陳薦夫吳志在徐
勃康彥登李開泰楊棟二十八人既而進酒薦飯飯
撤曰余以偏邦末品自日本到中華又升明道堂猥
襲蘭薰窮亨之數豈啻登龍倪曰孔門三千登杏墻
親炙然若未透止修之學是徒登杏壇而已願足下
勿徒登此堂也宗師之薦豈偶然哉公曰叨升此堂
果是登杏壇願聞初學緊切下工夫處倪曰學問之

要未易倉卒道徐當有可聞之日矣謝秀才曰倪先生是講學大宗師要着實參講○厥明早起整衣冠就謝秀才秀才曰每朝齊會參謁徐宗師影像分東西壁參揖後退做課業魯先生既留院中一遵院規否公曰萬死之餘得到中華聞此禮樂幸甚於自楚之滕况叨承宗師之薦已聞諸賢之教惟恐不敏敢不承誨願先生益篤不倦之仁也俄而齊會參謁公亦隨之坐定諸秀才曰願聞貴國風教及禮制公曰風教只依箕聖八政之教而禮制一遵晦菴家禮有一少年微笑入房中持來大明一統誌搜展四夷風

土記使公視朝鮮記有曰朝鮮人父母死壑葬水葬瓦葬而崇佛喜巫善淫使酒白晝市并男女相謔覽畢曰此所謂盡信書不如無書此一統誌只因太古之史而泛修外國之筆也我國雖在海隅粵自檀君與堯並立協化於變故至周武封箕聖衣冠文物禮樂法度一遵華制而吾道東者久矣秦屬遼東漢置四郡暨于晉時各分疆界自為聲教然恭修職分事大以誠自高麗時王世子十歲入于中國大學參講而陪臣十人亦皆參講有時通婚帝室而魯國大靖公主亦出嫁于高麗盖明君聖主繼世而作崇儒重

道尚以文治名儒輩出繼入中華或科登壯元或官
至翰林或賜紫金魚袋凡我國文獻則文武科孝廉
舉一遵古典上自國學下至黨塾絃誦洋洋達于四
境子生八歲先教孝經次以四書六經皆業明經况
喪制三年無貴賤一也不飲不肉啜粥倚廬哭泣漸
毀又父母有疾或嘗糞以驗或血指以灌又婦人夫
死則終身守節或同死同穴皆以孝烈旌其門閭處
處相望諸生聞之驚疑公又曰死而襲二日而斂三
日而入之棺四日成服未葬則奠朝夕哭無時國家
五月而葬大夫士三月踰月而葬用槨用灰題主返

魂虞卒哭而祥禫祔練一以晦菴禮行之其則不遠
鄙雖流離尚恐失禮况平居無事之人乎今此一統
誌其誣太甚不佞幸而得返當特達 本朝轉報
天門必釐正之諸生相顧始信曰貴國文獻天下所
知然守法知禮豈意此極晦菴家禮大江以南則用
之而猶未徧行於中國貴國如是殆箕子之遺教也
○翌日就倪秀才曰不佞叨陪僉賢已數日願聞徐
宗師倡明道學之的倪曰吾儒只宗孔聖而孔聖之
學只在大學經一章蓋大學之道論主意則只是止
於至善論工夫則却是修身爲本止於至善者修身

爲本之命脉也修身爲本者止於至善之竅門也要將此數語反覆參究出來復我不要當做話頭逗住○翌十五日朝參謁齊揖禮後問倪秀才曰昨承不倦之仁達宵反覆參究蓋至善卽吾之性在天爲命大學之道只是止於至善在何處着落全在修身爲本上見謝秀才曰足下可謂聞一知十若留數月參講吾儕未能或之先也吾宗師一見足下旣賜以書更惠以金又薦于此者宗師藻鑑明矣吾儕當進稟謝公亦做文以謝○厥明進拜徐宗師宗師烏巾深衣立于椅下曰起來起來使門子設椅命坐坐旣定

問箕子之治化對曰猗歟箕聖都于平壤彝倫攸敘喪禮最重洪範八政已有古今之文井地九區尚傳縱橫之畝東人免左衽者莫非箕聖殿有影子而香火非懈陵置二官而守護惟謹宗師曰箕聖之德奚足一朝鮮衣之仍問曰朝鮮今雖少安大兵之後土無餘毛人無餘蓄如病者方甦元氣未復若不招徠訓鍊安集數年枵腹者決不能荷甲裹瘡者必不能負羽未知公之所以雪復者計將安出昔越之復吳也生聚教訓二十年一舉而滅吳今度日本之兵孰與吳強倘朝鮮不出沼波之奇策雖仗天威羽翼齋糧

不能長繼荷戈不能長待公曰弊邦之沼日本不與越同夫吳越不過相爭於半千里之間此賊之窟則鯨波杳杳於萬里之外而以舟爲家出沒無常輕生強戰以死爲榮雖窮天下之力萬無沼彼之理然用兵之略不可執一論兵法曰苟有重賞敵人反爲我用若以金帛厚賂馬島之倭爲我間諜而修造戰艦訓練水卒復讎之舉上達天朝數罪之檄嚴勅日本而直擣對馬壹歧等島據險自固持以數月則賊必更來彼短水戰而在我則長技也以長攻短片舸隻卒可使之不返宗師曰不知日本有主謀者否據

平倭之舉許多失着斷非大奸雄公曰關伯以下諸將皆有主謀僧一人然諸賊中智勇之最家康輝元石蔓子清正等四五倭矣○翌日倪秀才曰與足下久聯芳榻而尚未覩珠玉之咳願寫懷以示公卽綴二絕○厥明楊坐營致書曰自聞足下入學宮私心欣賀幸寵臨打話如何公隨門子而往坐營曰此省秀才雖多得叅宗師講席者無幾今足下藐以藩邦一俘特薦叅講不其幸乎不佞昨早進衙則大司馬曰朝鮮官今亦催歸否不佞對以明道堂叅講大司馬亦爲嘉喜公曰鄙人心事倘非將軍誰能知愛今

日叅講皆將軍之賜也坐營掉頭曰各衙呈文見稱於諸相而文是足下之所做則不佞之薦何與於其間哉曰自初見我待我者誰知愛我安撫我者誰指揮呈文者誰將軍之德泰山輕矣坐營曰不佞之愛待皆由足下之實抱足下之所抱豈干於我哉曰斗筲之中所抱者少河海之量所容者多然則包容之不擇細微細微之得遊於包容理之常也願將軍益恢包容之度更加納污之量坐營曰足下詞鋒已模我華士真影如我武人詞屈語盡罔知所答命門子進秋露及荔枝明珠滿盤琥珀盈樽一盃一盃大道

通焉遂綴一絕坐營吟詠曰足下句法文瀾日漸汪洋叅講之效何其速哉曰一自遷喬榮感而已素魯才華何變之速哉坐營曰足下姓魯才不魯何謙讓之太過公曰非我過也子實過也○再明諸秀才會講堂曰貴國強兵素聞天下隋唐之際何其壯也秀吉之難何其恟之甚也且倭奴雖能踰釜山而蹴王京然有多少失着處如間山全慶之勝實非秀吉能之也蓋內掣薩摩之兵誘之以先驅深入他境勢固死戰今公在彼得還其虛實強弱必如指掌幸舉槩以示公曰我國之兵非徒壯於隋唐原州之拒契丹

龜州之禦蒙古雲峯之破倭賊素表表著稱者也自古及今未嘗有外寇之侵犯累百年太平之餘大賊秀吉乘我不虞速戰深入疾如風雨旬月之內盡陷三都然 列聖朝休養之恩遍在草野故義兵將金千鎰郭再祐高敬命趙憲睦詹鄭仁弘禹性傳崔慶會之流在在而起倡大義符元氣雲集霧起日剪月削則賊勢大挫進退狼狽之際 天將李如松率三萬衆直擣平壤而雷擊鷹揚克復箕都越三日松京之賊一時宵遁時我國權元帥以數萬衆軍於幸州山城耀武大戰斬馘以萬計傷夷者不知其數 天

兵又從而雲下有如建瓴之勢諸賊退屯釜山未得進退者數年丁酉春秀吉大發憤自領舉國之兵留住長歧城而督送衆兵於釜山曰必陷間山全慶等處快爲報復後乃可輟兵以故賊勢更熾自間山踰全羅將犯 王京時 天將麻都督軍於稷山以鐵騎數萬雷擊前鋒則諸倭恐恟還退釜山蓋全羅一道乃以倡義之所尤爲彼醜之所疾窟山深谷一一搜索殺戮滋甚信乎我國之敗乃魯難之不期蜀雞之不支若使我國之兵深入日本便爲窟寇則精甲銳卒強弓毒矢彼焉能當哉但賊之所長不徒鳥銃

鎗劍行師野營臨敵蒼黃之時能築土壘於瞬息之頃故攻之難破且細看南北之兵平原廣野則北方鐵騎爲上山逕溪澗則南方步兵無敵秀才曰足下之言近矣○越再明詣謝秀才曰願學心經曰心經只究人心道心之分而經之主意只是一箇敬敬者主一無適而常惺惺故聖人徹上徹下之功都在敬而已若不以敬操之爲心上之功則紛華波動發如奔霆莫知其向矣且吾道一以貫之蓋一者乃精之一字只分人與道之間以敬操之而已公曰以工夫論之精一乃誠正修而厥中乃止至善本無過不

及之差未知如斯否秀才曰足下已明心學主敬之體真海東夫子矣○翌日倪秀才曰明日宗師爲行人司李汝奎大會講學故芝峯謹江三山諸書院秀才皆會足下得見此天下盛禮矣不亦樂乎俄而宗師來到諸秀才皆出門祇迎公亦在列宗師謁祠而出高拱端立于堂之邊諸生皆上階三揖焉宗師遂椅坐中堂諸生亦以齒坐左右秀才一人詣尊所奉茶以獻者三而後習歌詞鐘磬學儀而罷宗師將出諸生亦祇送之如迎禮○厥明諸生早會又習之日將午宗師先至習之又三焉旣而命公曰朝鮮人叅

此講會千載奇遇少退以待諸老爺完會公遂退而
爲文將以贄也頃之都察院都御史金學曾行人司
行人李汝奎左布政使朱運昌右布政使陳性學按
察使廷賢前泉州知府陳王廷前興化知府竇珩福
州訓導張秀英泉州訓導杜廷芳興化訓導柯倚天
長弟而到諸秀才祇迎如習儀士和以公贄文呈左
右布政曰此乃朝鮮人魯認文左右布政受而讓
之軍門軍門讓行人司行人三讓而後問故宗師爲
之言則僉曰來公遂上階揖如諸秀才諸官答之亦
皆三焉將坐軍門三讓主壁于行人行人讓亦如之

然後坐而軍門以下亦以次分坐左右諸秀才亦皆
列四座于獨木長凳床公未及坐宗師命公曰坐于
秀才楊森李伯泰卞以哲之上公承命而坐凝神聳
觀秀才五人趨詣樽所奉茶椀而進一揖而立諸官
起立受椀置案答揖然後坐而飲門子奉椀而退如
是者三俄而執禮秀才一人出立前列高拱揚聲曰
進講案秀才三人置心經及大學於案上相對舉齊
眉置于堂中執禮又出而高聲曰唱歌詞秀才三人
以列立東邊而歌關雎鹿鳴之章秀才二人分立東
西鍾磬之邊相擊相和其聲激激切切錚然清朗滿

金江集卷之二
三十一
堂恭默氣定神清自然有蕩條消融底氣像矣唱畢
執禮又出而高聲曰進講秀才二人應而出立案之
前先講經一章以止修二字互相質問宗師儼然坐
隨問而答次講心經宗師亦爲纒纒焉諄諄焉剖析
秋毫其言曰堯舜以上則皆以生知傳生知故只有
危微之分再傳于禹而八字加之學問之原始此後
來一種之學誤之遂呂嬴並秦牛馬同晉而寥寥到
千載矣時向諸相而論則皆拱手唯唯而已講將畢
李行人互相質證討盡所蘊滿堂悅服莫不滄飽如
飲江河而各充其量執禮又出高聲曰講畢秀才二

人舉講案而退既而門子進盃盤而諸相前則三行
諸秀才則以長臺列爵各一行而肴則荔枝冰糖砂
糖餅而已宗師以盤上三果送盛于公袖中軍門又
如之盃已撤諸秀才俱出門外祇送之公亦隨列宗
師顧曰不須催歸安留叅講 天朝題意只待清秋
水落之日矣○翌日問倪秀才曰昨日所講經一章
願聞精微之蘊曰修身爲本者止至善之竅門也止
至善者修身爲本之命脉也魯先生熟讀閩中答問
使之登刊傳頒朝鮮則人皆向學家必孝悌此所謂
好謀而成者○翌日往新德齋在明道堂後黃秀才大晉

王秀才繼臯正榻對案有家語共三十五卷公曰我國只有上下卷而今此多數無乃後世之衍義耶秀才笑曰上下卷只是節要而此則夫子平生日記全秩也○厥明見牆外石榴花與黃秀才共和四韻一首○翌曉兩脚刺痛似有浮氣自手下鍼刺痛少差

華東科制

六月初言諸秀才會明道堂問曰願聞貴國科制公曰式年初試則鄉舉會試則咸聚京師而生進各取一百文科則取三十三人武科則取二十八人秀才曰場中取才則論策四六乎專治經術乎曰生員則

疑以四書義以三經進士則詩賦俱編入格者取之而會試則先講學禮能通然後入場而入格者謂之生進文科初試則論策賦表頌八格者取之而會試則先背講七書能通然後使入闕庭以論策賦表頌八格者出榜武科初試則先以三百斤勁弓六兩鐵箭遠射二百步然後次試騎射五發五中次試八錢本箭於五百步然後次試騎槍三發三中次試馬上擊毬能制能中而後次講四書中一書及武經七書能通者取之而會試亦如初試八格之規秀才等皆歎曰貴國文武科更難於中國矣七書果能背講

乎背講節目何以爲之公曰吏部正擇明經忠直宰
列十餘員備望八闕則自上落點差出七員而
禮曹命卜擇日然後試官坐于公廨令寫字官書七
書大文於三寸竹簡分其秩數各納于大筒中置于
上試官案上而以鹿皮帳遮隔內外御史戴豸冠分
坐帳外左右以察循私之弊而招八舉人使坐兩御
史間而上試以手拈出筒中簡書大文移寫於講紙
以授講生則講生奉展讀盡音釋然後章頭章下篇
題雲峯雙峯大宋諸家輯註盡數背講純通然後謂
之明經科而武舉講經之規亦如是左右大驚曰中

國雖專治經術能製文章七篇

七書中出題作
曰文章七篇

而已

本無七書背講之規貴國之背講更難於文章七篇
矣○翌日問天朝鄉貢文武制於倪秀才秀才曰
式年則知縣以四書並出四題試之於白日場而入
格者送於知府知府又以四書出題俱入格者謂之
童生知府並會屬縣童生以四書一經各出五題俱
入格者謂之生員是為秀才軍門又大會生員試之三場
其初則文章七篇其中則策文五度其終則論賦啓
頌判五度通三場並十七篇俱入格者謂之舉人各
省出榜轉送于京師會試三場亦如初試三場之規

俱八格者謂之進士其數二百而武科則各者只以
武才取之謂武科而武進士則與舉人並會京師安
邊策三場能製於燭刻俱八格者謂武進士而其數
一百蓋武進士非徒燭刻其數倍減更貴於文進士
矣公曰講經何不爲之秀才曰文章七篇能做八格
已爲明經更何講爲此規乃王安石之作備至今科
士怨之又曰八場時書冊持八乎曰只持筆硯何敢
持冊朝鮮則何以爲之公曰八門時錄名官搜挾官
坐于兩邊使禁亂卒搜得舉子身如或現出冊子則
卽掛榜停舉而冊子付丙故細書至密或八靴中或

貯衣襟未知 天朝亦無此等事否秀才曰我國亦
或有之其爲重科天下同然左右拍手大笑

聖賢窮亨

三日請益於倪士和士和曰足下識見高明庶免泣
歧之歎然止修之學今始醫聾必沈潛細究惺惺於
戒謹操舍然後八條之功自有歸宿之所而腔子常
活活於人性之網施之萬事無處不活此所謂所操
者約而所及者廣吾儒經濟之功亦在於此惟足下
自省焉公拜謝曰三代之下雖天縱之聖非但未能
經濟尚有陳蔡之厄而自秦漢唐以來寥寥無聞矣

遂及大宋濂洛關閩之際紹千載之未傳發前聖之
未發庶見經濟之業雍熙之樂然而或徜徉乎南康
或編管乎陪陵或躬爨乎洛陽或講禮乎關內或只
祀乎閩中噫懷道抱德之士一未試經論大手何也
世降俗末聖君不作而然耶雖遇明時其爲才行道
德有所未及於有莘傅巖渭川而然耶雖有其人未
敢輕進而然耶諸葛亮狄仁傑司馬光之流可謂魚
水相契然區區乎討賊汲汲乎反正眷眷乎革弊未
能大有爲於當日以此言之王風委草世道日壞自
今以後雖或懷不世之才蘊經濟之具者只可囂囂

樂道蘊積自珍更未可待價而展布耶若然吾儒經
濟之志施於何時而天下之民更未被至治之澤耶
懷正居貞者填竿於泥濘之下狡猾巧僞者軒翥乎
虹蜺之際無乃彼天茫茫福善禍淫之道倒置而然
耶惟願先生拈出適中之論以破愚惑士和曰大哉
足下之問也倘或無心於吾道者何能及此反覆條
問皆出於吾儕之所嘗憤慨者鄙雖不敏敢不叩盡
足下之問大都則然矣但未知天縱二字之味也孔
夫子之未遇棲棲豈偶然哉天必以夫子爲木鐸使
天下萬世以免長夜左衽之辱也然則夫子之經濟

實賴萬世豈若一時之經濟此冥冥天縱之本意也
宋室諸賢之未遇遑遑亦豈不易曉哉若非其時而
代大匠斲則鮮不傷手是以進退行藏之際素處而
行之綽綽然有餘裕何區區憾憾然哉為天地立心
為生民立命為萬世開太平為往聖繼絕學使堂堂
吾道如白日中天則是亦皇天綿綿再縱於千載之
下使吾道互相經緯於先後者也吾儒功業豈可以
一時窮達論之哉足下之間徒知其一未詳其二公
曰先生之答以堂堂常道言之不佞之問以及常變
道言之耳士和曰吾亦隨叩而隨答此亦格致之功

也惟足下更加一層

此下文不接續故更無題目

○四日公兩脚

刺痛憂慮倍切謝兆申來見曰宗師衙門多名醫何
患治療是日宗師命服藥○翌日倪士和以公病未
差憂達宗師宗師命醫再來服藥取汗○厥明早起
視之浮氣頓去精神自若○再明做文一章以謝宗
師○再明公與諸秀才登烏石山一斗菴詠五言一
絕到正覺菴有僧乞詩贈七言一絕○越三日連雨
與謝兆申同榻問中國稅法○翌日又就謝兆申問
兩京及十三省留養之兵數○越三日望諸秀才齊
會明道堂參謁宗師影像後唱歌詞讀心經蓋此講

每月朔望非徒恆留秀才雖從事於宗師衙門者亦皆會而且以井間空冊別書參講人姓名又各着署以考勤慢○再明兩餘徐宗師命家丁送一兩銀子於明道堂曰比來日氣不佳須買果解渴諸秀才皆整衣冠出待來使日午用五分銀買荔枝共案啗之○再明諸秀才早整衣冠出吊西門外李友喪次公欲觀中華喪禮隨往其家則喪主斬衰腰首經竹杖芒鞋立於堂中喪柩前痛哭諸秀才列立對哭而不拜其喪柩則用漆極美而立影像於柩前西植銘旌東設寢席又以白紗帳繞四面蓋此喪禮純用晦翁

家禮而但銘旌書以顯考行年七十三李公之柩及其薦飯喪主以蔬菜對客共啜此則大違於家禮矣○越三日洪汝訥來邀公聯袂而往則家住南門外濠水邊綠楊數百株成列左右而重門內小閣翼然脩竹綠橘相間於階上其他名花怪石不可勝數俄而薦茶後盃盤豐美秀才家君出來禮接卽展八疊屏風曰聞足下詩名久矣願借佳句以增文房之珍彩公卽製八絕以贈○翌日洪汝訥傳示公所製八絕詩於諸秀才秀才等皆稱美曰魯先生若在此院專治科業則文章七篇可能先我做得矣公曰萬死

餘生豈能科業○是月二十六日軍門以公疏本轉
達于 天朝 皇帝特下忠如祥節如武之詔○秋
七月既望軍門都爺以夫馬護送北京各衙諸相一
院生徒作序贈詩又以閩學宗旨講程朱陸王寄語朝鮮
學者而出餞江上公拜謝軍門遂登程過吳歷楚由
齊到魯洙水宛在龜蒙屹立城之內有大閣巍然堂
懸金石壇蔭槐杏公鞠躬竦然而問諸左右則曰昌
平里夫子廟也遂整衣冠趨庭四拜瞻仰宮墻如陪
杖屨僉曰彼以東藩一俘餘叅謁 聖廟是誠千載
一奇事爭來慶賀因出餞于泗上十里許於是自魯

馳至上都因陳應變復讎之策 皇上命下兵部賜
御馬一疋使員外郎史汝梅護送 本國武夷首學
倪士和謝兆申等十餘人追到山海關數聯詩一樽
酒別懷無窮焉過遼陽渡鴨綠山川如故物色有殊
悲歡難勝因吟一絕直到 朝廷以所探賊情應變
雪復策策一一上達特蒙

宣廟朝嘉尚全節之教留數日公以不知父母存歿
陳情乞歸 上亟命駟而還鄉是時庚子正月也妻
梁氏在室具告雙親以壽終於戊戌正月公號天罔
極往省權厝即改棺槨安窆于先塋下倚廬追服朔

望祥禫一遵禮制朝夕拜哭不避風雨壬寅服闋以
 將薦登勸武科特除宣傳官又除浙江節制以試方
 略甲辰六月與申汝樑魯鴻等二十八將擊破餘倭於
 嶺南唐浦有勝戰圖尋除甕津水使有去思碑時仁
 弘以當路權奸請買公所乘天賜馬公不許仁弘百
 般詆毀左遷公於羣山公不卑小官克修軍務再蒙
 宣廟朝許以社稷臣陞資之恩未幾當光海朝公知
 國事難濟遂謝病還家終老于錦里時人號曰錦里
 又號曰錦溪

公等亭于先塋下
 名其亭曰錦溪亭

錦溪集卷之二

錦溪集卷之三

嗚呼 皇明遺韻帖即錦溪魯公自日本入大明
 時武夷書院諸生所贈別者也生於東表限以鰈域
 者乃得與中華文獻之士際接而周旋如此此可謂
 稀有之快事也孰謂公遭逢亂離漂泊東南不幸也
 余竊有羨於公之世也嗚呼此等文字之不復渡鴨
 江來今已三百餘年矣天運循環無往不復抑或有其
 日乎吾老矣顧安得長年度世之術如屈左徒之為
 耶却恐晦翁復起空發一大笑也嗚呼歎矣
 崇禎五乙亥清和節西河任憲晦書

錦溪魯公以文山之忠北海之節見稱於我
神宗皇帝是固足以不朽矣至其以偏邦之人得至
晦翁夫子藏修之所與其禮樂文明之士揖讓講
討於隱求觀善之間又何其幸也是帖也即武夷
諸儒贈公東歸詩及序也公之後昆持以示余愛
玩屢日恍若汎掃腥羶之氣而復見冠帶之人於
是乎彌切風泉之感爲之太息而識其後魯氏其
亦寶藏而勉勵焉以求無愧于乃祖之烈

潭州田愚

白王明志韻

閩中武夷朱子書院諸賢別章手筆

送魯公識還朝鮮序

朝鮮魯公識屬國雖沒於倭間
道浮海八閩閩守疆之吏以爲國故

儀而館之將授為而歸之楚泣越
吟似不能一日茲士而會閩中學
士大夫相與講明孔子之學校門觀
聽禮樂武公後望之門墻之外語
不能了之意若有所動稍進之為

來秋以自喜以為若坐春風而更生
樂出忘其身之守騷也頻行而更徵
余二三友人之言論其學文則經術
忠孝莫下古人之法學士稱學曰海東
夫子此其其處評駭深藉中榮

之緒餘以自誦夫之者氏不謂高傑

悅周公仲尼之道也支周孔之色

發明亦守宜法信而表章於象

明皇帝為我

成祖堯名缺集宗信所發明附諸

經書為大全乃孝經六經綱目大學

衍義法書天下缺令書成之摺

賜朝解至

宣宗朝又缺以以居國中於缺近名


缺之興同文之化耶余缺於不誤

大都為本強時與 國朝若異至
詢其夫凡如家昏喪祭之儀別一
朱晦翁字禮文初解之遺棄于餘
手文殊不絕是箕子之遺教文乃
士習經術守禮法維之乎上國之

風日用百姓可不勉其不自來耶
後故諳於文翰迺一聞理學之談
躍然興起此豈聞而不習者能驟
信乎哉 祖家之澤遠矣因其
歸友人陸路聊述以語如法

萬曆己亥九月閏中陳儀

撰



送曾公識還朝鮮一首

恢矣裴及八才兼可重

逢人問國家肯肉補空餘


膏沐鄉閩識多滯

天涯方為瘴海清去取

高道黃河存照斜草星

長途孤劍客計程幾日

渡楊花 馬欵



關過山海驗真編返國孤臣魯大
夫日本烽煙深歲月天朝諫疏緩
程途妻孥離亂誰存沒士卒傷殘
半有無聞說腥塵清海岱高麗城


上有棲鳥

王繼皋



向平囊井乞歸嘉山須水
路滂滂錢名陸莽原中
弓金鏤還留臍上癩拙益
來能忘夜燈檣車河亦更存
錦玉呼箇勤傷汝死如信

三我一也安 表嘉五



一從遠在羽書問東石頻

煩 坐慮般出鉞築年


勞使者 詔函十道出將

軍 重開地紀歸 王出直

挽天洒洗陣雲遙對嘉

若和頌位如將未烟一吞


君 孫昌裔



風波不化少難影道遠海

以正玄路難原國半和

蘇貞貌雖多其個兒亦
別那江門渡清雲條子
色了那家長星轉子
關保涕淚孤身以事如
長馬馬二原



五馬馳驅岳浪空孤在
身一才逐月明帳紅錦
先曉日浩刀頭戰血
第里蹤橫經拐至
寬條赤界顏準山玉

亦上為去賜孫江上送付

物珍 洪以初  

張危臨臨到中華東門王殊

方去路賒八道傷殘猶有國

一身淪落已無家夢過遼水

驚歸唯愁斷開城聽暮鴉

還相舊君如范蠡十年生聚

剪刀夫少差 王毓德  

蒼山始晴海空沈十策必意

敬以諱披國弓心喜社笑為


家豈計楚囚啼新象在

子七八林表舊名缺也古溪西至

又宅名甚多中湖人素玉景向

人為

陳為夫



曾經百戰出生殘幸入中

華強自寬封土仍留周


社稷遺風元識漢衣別

讎終可報身暗在家未能

歸膽尚寒故國人民今復

聚君還莫佐黍離看

吳志在



霜華長路點征袍
天馬東歸
身自豪華散第
空因國難
自種九死出風濤
白虹貫日
孤憤紫電干霄
剝實刃到

日立功應上崇
以吟莫續

楚臣騷

朱天球
手本字缺
故改書

風拍舟時百葉
兵轉浪高
船托綉生心
惟篋子封時
園
身陷倭奴破
及城王君
德陽

磨鏡走月為帆掛鴨江平

累石九死于戈地不水為系

李少卿

徐勣



門外樓船散北風金家都
能一身回強良引去歸離重

菴志生之色勇家權丞首

白分四路也鴉的綠兄瘡紅

可乞出故國志區博於缺民

書之可哀

張秀英
手本字缺
故改書

梯山航海慕華下風文物

金溪集
衣冠好萃日絕似蕙卿
悌悌國還那記伯沼
吳宅九都向主寒烟碧
平壤孤城落照紅及至
防風終被倭攻讎母了

泣刀弓

洪汝讓



他邦無計問凋殘萬里扶
餘去路難死戰未酬千載
恨生還不作一身歡江過鴨
綠傷心渡劍拂龍文帶淚

看仍向異方脩玉帛鯨鯢已

剪海波安 孫昌基  

不堪城盡我血枯艱危臨

敵勅捐軀也膏誓在終存

於孝廣巨均竟破的絕急風

沒過對馬臨以烟生孤玄菟

帛書好葉高鞞爾登道遠

均復存焉 謝佻伸 手本字缺 故改書

萬里孤臣命已輕幾年中露

歎浮萍兵殘渡海逆飄泊亂後

還家隔死生鄉樹重看箕子
國歸帆先別越王城可憐壯
士興亡恨洒淚西風盡失
聲
自是全家沒戰塵
孤危苦

王繼武



死盡投軍
乙王修
忠義士深寬弘
名震國
濟倫
他弱霸族
孤
西親仇
未親君
恩重
日望東
宣沛後
影

李汝圭

手本字缺
故改書

君父深讎不戴天
全身歸去豈徒然
主顏開咲知何日
生齒蕃多定幾年
城郭破殘空鬼火
倭奴行後少人烟
別離方在遠
易外音信東南雁不傳

陳濂
手本字缺
故改書

朝鮮被倭奴
倭害擄去男物不知幾
千萬計幸天哉
甫將官兵奮勇用
間收功意朝鮮
別生魯鉤濤自日本
由福進而歸

故國予幼兒汝梅在後建
軍一島用護送海國一見
容貌叩其中皆石畫之
乃以待吹予臨川無以為
喚竟和韻留為一夜

萬里間關歸一故國
英才詩典字俱清
高談韜畧皆經濟
如信膏中冢甲兵
朝鮮強理標六恭

謀南尔武元全脩道

人史世用書

更竹清絕洗江西第里弱

洛尔建俊向於地迨南白大

名從出教才樂

史改梅 手本字缺 故改書

隣家榴葉晚風吹點點腥紅入硯池天意却教增富
貴花神頓欲吐新奇豪懷對酌千觴酒遠客頻叩百
首詩若問此花何處種傳來安石有誰知

右黃大晉 和石榴韻

明道堂木屏風正論


宗師自題木屏設于北壁之下其文曰近有一種之學大
行濶略於身心間而以超脫為入微以融通為妙悟聽其
言分明出老入釋究其學則曰孔子孔子人亦往往以孔
子學目之其為害蓋不淺噫孔子往矣其書尚在可考
而證也魯論中所與諸弟子答問誰非求仁至稱傳得

其宗非省身克己之顏曾不與焉則何以也及作大學以垂世立教曰明明德曰親民而必曰止至善乃所列明親新之日則格致誠正修齊治平井然分矣復結之曰自天子至于庶人壹是皆以修身爲本若曰本在此止在此又何其約而盡也由斯以譚吾身聯屬乎家國天下步步莫非實際豈不廣大吾身完具此心意知物種種皆是眞修豈不精微然實實落落不求之家不求之國不求之天下而全副精神直歸向裏吾正吾心吾誠吾意吾致吾知吾格吾物一毫熒惑不及其他又豈不易簡此孔子盡性之學也知此者謂之知本止此者謂之

止善識此者謂之識仁異乎此者謂之異端題西壁小屏曰以嗜欲殺身以虐政殺民以貨射殺子孫以學術殺天下後世士君子不可有此罪過又題東壁小屏曰爲天地立心爲生民立命爲往聖繼絕學爲萬世開太平士君子不可無此功業蓋此論排當世陸王之學而倡明孔曾傳受經一章蘊奧之旨
己亥五月三十日公就宗師見此論瞻之日
記故因以附之

錦溪集卷之三

武夷書院之圖




武夷山在閩中福建崇安縣南二十里許周回百餘里茅五曲有朱子書院而大門之頂題額曰兩賢祠中有講堂題額曰明道堂軒東掛鐘刻其背曰杏壇遺鐘軒西掛磬刻其面曰泗濱浮屠皆以朱紅潤色字畫堂之左右有文房

圖

五

大學止脩之圖



先生講學武夷時著講問錄而撰此兩圖

大學之道論主意則止於至善論工夫則脩身為本止於至善者脩身為本之命脉脩身為本者止於至善之竅門

脩身為本

